

LATGALĪŠU VOLŪDYS DIKTATS



Septiņo diktata latgalīšu rokstu volūdā teksts.

Teksta autore: Laura Melne

Jī mani napajēme leidza iz Rēzekni! I tei nabeja pyrmuo reize. Tai jau ir ar lelajim – sūlej i sūlej, tok vysod atrūn jaunys atsataisnuošonys. Otkon juopalīk sātā ar babu. Nav jau tei lela bāda – jei i puosokys paskaita, i koč kū gordu sataisa. Šudiņ pat taisuos atsiļdeit bīzū pīnu. Nav tok pasaulī nīkuo lobuoka par sauvi sylta ituo gorduma! Nu muns plans itūreiz cytaids! Ka jau mani ite ni par kū naskaita, īšu paceli.

Mugorys sumceņa maņ ir, niu tik juoizdūmoj, kū likt tamā vydā. Luoci voi leli? Vaira kleitu voi jīuzu? I kurū nu vysu sovu meiluokūs gruomotu izalaseit? Jemu nu plauktu montys, cyloju i puorcyloju. Cīši gryuts pījimt tik lelus lāmumus. I kur es vyspuor īšu? Cik dreizi i voi vyspuor tikšu atpakaļ? Juoīt iz piļsātys pusi! Vys jau koč kur pusceļā satikšu mamu i tēti. A kū jī saceis? Beiguos vēļ baba dabuos dryuksts, koč i nabyus nīkuo naloba darejuse.

Diktatu organizēj:



volūda

Paļdis:

